

31/12/1997

Pelajar kesal layanan buruk

Antikurang Sopan

SEBAGAI kakitangan kerajaan yang berkhidmat untuk rakyat , mereka harus bersikap lebih sopan.

Dengan cara demikian barulah melengkapinya seruan Perdana Menteri, Datuk Seri Dr Mahathir Mohamad supaya kita mengamalkan sikap kepemimpinan melalui teladan.

Saya marah terhadap sikap salah seorang kakitangan di Pejabat Pendidikan Daerah Muar.

Pada 18 Disember lalu saya sebagai pelajar tingkatan enam ingin mengemukakan masalah dan membuat rayuan.

Tetapi, sebelum saya berpeluang berjumpa pegawai bertugas dan mengemukakan masalah, ada seorang kakitangan menggunakan bahasa yang tidak patut dikeluarkan.

"Buat apa bersusah-susah merayu," kata pegawai berkenaan.

Ketika itu ayah saya yang turut serta juga terkejut. Kakitangan itu terus memarahi saya dan sedikit pun tidak menghormati kehadiran ayah saya.

Saya ke sana untuk meminta bantuan bukan dimarahi.

Saya berharap pihak berkuasa mengambil berat masalah kakitangan yang bersikap sebagai `nila dalam susu' ini.